



04.Oktober.2017

UKA2017/91

Siunnersuut uunga: Ingerlatsivinni pigisanit aamma pappiaqqat nalillit ilaannit inuit iluanaaruteqartarnerannit aamma annaasaqartarnerannit akileraartarnermi suliassat pillugu Inatsisartut Inatsisaat (pappiaqqat nalillit iluanaarutigineqartarnerat pillugu inatsit)

(Aningaasaqarnermut Akileraartarnermullu Naalakkersuisoq)

Naalakkersuisut sinnerlugit matumuuna inuit piginneqatigiiffinni aningaasaliissuteqarnermikkut pappialallu nalillit ilaasigut iluanaarutaasa annaasaqaataasalu akileraaruserinikkut aaqiivigineqartarnerat pillugu Inatsisartut inatsisissaattut siunnersuummut saqqummiunneqartumut Partii Naleqqamiit imatut oqaaseqassaagut.

Maluginiarparput tusarniaavigineqartunit arlalinnit Inatsisissatut siunnersuutip paasiuminaappallaarnera aammalu siunnersuutigineqartutut aaqiisoqarnissaa arlaqartunit nalornissutigineqartoq.

Makkulu tungavilersuutaasa ilagaat aningaasaliisarnerup tunuarsimaarfigineqalernissaa aammalu suliffeqarfiuteqarnerup imminut akilersinnaassusiata kajuminnassuseerussinnaanera, pappiaqqanillu nalilinnik niuernerup kajuminnarunnaarsinnaanera il.il.

Partii Naleqqamiillu misissullaqquarput ingerlatseqatigiiffinnik aqutsisoqarfeqalernissaanik maanga Kalaallit Nunatsinnut inuinullu naleqquttumik, tassami Nunanut allanut inuppas-sualinnut allarlunnarmillu avatangiisilinnut naleqqussarniannarata, immitsinnut naleqqus-sarniartigit,

Naalagaaffinngornissaq ilungersuullugu sulissutigineqarmat, Nunatta iluani aningaasat pio-reersut pivallaarnagit, Nunanut allanut aningaasat aniasut angerlartinnissaat killilersimaa-rnissaatalu sulissutigineqarnissaat kaammattuutigaarput, maanilu Nunami Naalagaaffin-ngornissatsinnut susassaqaarfiit amigaatigut ilaasa oqaatigisagaat akisussaaffiit angerlarar-titassagut, ilaasali oqaatigisagaat angerlarartitassaqaanngilagut namminerngorna sanarfisas-sagut kingullerlu isumaqatigaarput, sulissutigineqarneratalu tuaviunneqarnissaa kaammattuu-tigalutigu.

Taamatut oqaaseqarluta siunnersuut aappassaaniinnginnerani ataatsimiititaliamut susas-saqartumut innersuupparput, ataatsimiititaliallu sulilluarnissaanik kissaallugutigu.

Henrik Fleischer